

ganzen tag darvor und zum nachtmal versaumbt, der mag  
alsdann mit essen und trinken noch wol zukommen. Die-  
weiln die herren spilen, darf kain frembder edelman oder  
diener in das gemach geen; dann so das beschicht, sein  
5 etliche darauf bestellt, die sein mit hohen bechern und  
guetem wein versehen, die fertigen den man ab, das er in  
ainer stunde kain durst mer hat. Ich habs warlich gesehen,  
das nur ein diener in sal hinein gesehen, der wardt berüeft  
und im ein solliche weinkappen angestrait, das er fro war,  
10 das er wider hinaufs kam. Darzwischen aber liefen die  
knecht und bueben mit grosen kanten und fleschen im hof  
darafter; wer trinken wolt und durst het, der mogts thuen,  
es wardt im doch angebotten. In somma, es gieng in all-  
weg zu, als ob man nit lang welte hausen. Aber zum  
15 schlafftrunk da wurt neben dem confect und confituren aller-  
lai essens von gebratens und anderm ufgestellt. Darbei bleibt  
es nit, iez rüeft graf Jacob eim edelman, befilcht im, man  
soll ein specksuppen machen, dann muefs man Metzzer kra-  
matsvögel braten, sein geröste brötle, dann blawe hecht  
20 sieden, dann das, dann jenes. Solch dempfen das weret  
bifs nach der mitternacht, etwann bifs umb zwei uhren gegen  
tag, zu zeiten noch speter. Alsdann get man schlaffen. Und  
da schon solch regiment sonst weder zu seel oder zu leib  
nit daugenlich oder fürstendig, so ist es doch darzu guet,  
25 das die fleh ein zu nacht nit beisen. Des morgens so gan  
pfeifer oder tromenschlager, dann er etliche knecht in der  
besatzung doben ligen hat, im schlofs und uf den wehrin  
umbher, da schlecht man umb zur morgensuppen und rüeft  
darzu: ›Wolher, lieben brüeder, alle die, so gestern doll und  
30 voll gewesen, sich wider erlaaben wellen, die komen in die  
oder diese stuben, da werden sie ein sup und des gueten  
weins genug finden!‹ Da facht dann die abenteur deselbigen  
tags widerumb an. Und wiewol es bei mir ungleublichen  
gewesen, wover ichs nit selbs mit meinen augen gesehen,  
35 so sein doch etlich namhaftige leut dieser grosen unordnung  
und dieses Apicii halb fürnemlich gestorben; dann ich war-  
haftiglichen gehört, das solch wesen nit allain zu denen  
zeiten, so gest oder frembde leut vorhanden, sonder auch,  
so er allain mit seinen jegern, forstmaistern, edlleuten oder  
40 was er sonst für ain angenems gesündt haben mag, so seie

39 allain] hs. nit allain.

\*